

■ RETSCHERTGA ACTUALA

Quatter laudan ed in crititgescha la strategia

Dapi quatter dis discussa e sa disputa il cussegl naziunal, tge che pudes esser la meglra strategia d'energia per l'avegnir. Tge dian ils tschintg parlamentararis grischuns dal resultat da la debatta? Heinz Brand (pps) è il sulet che tira ina bi-

lantscha negativa. El discorra da «dirigissem». Ils auters èn cuntents cun la gronda part dal pachet: Entras l'augment da la KEV pon ins finanzia novas energias regenerablas. Quellas dovri, sch'ins desista da las ovras atomaras.

Martin Candinas, pcd

«Jau sun cuntent cun il decurs da questa debatta. Impurtant è ch'era ovras idraulicas grondas vegnan sustegnidas. La fin finala ston ins vesair che l'energia regenerabla che nus vegnin d'augmentar a moda pli effizienta è numnadain l'energia idraulica. Da l'otra vart èsi era stà impurtant ch'il cussegl naziunal ha auzà la KEV sin 2,3 raps. Ins na po betg dir



‘Nus vulain sustegnair daptut projects’ ma betg dar ils daners necessaris. Gliez n'è betg consequent.

Forsa avain nus scrit avant in pau damemia als chantuns, per exempel pertutgant la sanaziun da bajetgs. Là fa il cussegl dals chantuns forsà anc ina u l'otra adattaziun ed aug-

menta puspè la cumpetenza dals chantuns.»

Silva Semadeni, ps

«Jau chat bun ch'il cussegl naziunal ha acceptà en general la strategia, per exempel ils 2,3 raps per ura kilowatt per promover energias regenerablas. Nus avain era integrà il sistem da bonus malus che animescha ils furniturs da cuntanscher las finamiras da spargnar.



ziunala». Uschia stattan ellas sin il medem nivel sco la protecciun da la cuntrada. Quai chaschuna in dischequilibr. Las energias regenerablas han numnadain in grond pais economic. La cuntrada e la natira han in pais immaterial. Sch'ins metta quai sin il

Jau sco amia da la natira na sun dentant betg d'accord che las energias renovablas tschiffan «in'impurtanza na-

medem nivel, paisan las energias regenerablas daplì. Quai po esser cuntraproductiv e dar conflicts.»

Josias Gasser, pvl

In element impurtant è che nus avain dauzà la KEV sin 2,3 raps. Senza dauzament fiss l'entira strategia mo maculatura. I na gida nagut, sch'ins tschenta finamiras e n'ha betg ils daners per cuntanscher quellas. Las finamiras ch'ins ha definì èn dal reminent bunas: Las finamiras da spargnar èn pulit sportivas. Las finamiras da producir energias regenerablas vegnin nus d'ademplir detg'avun-



da. Là avessan ins dastgà esser pli curaschus.

Ils puncts impurtants tar la sanaziun da bajetgs èn era passadas atras - cunzunt il model Grunder ch'oblighescha ils furniturs d'energia da promover l'effizienz. Quai è impurtant. Pertge sche nus vulain tschentiar giu las ovras atomaras, avain nus a lunga vista gea pli pauc current.

Heinz Brand, pps

La strategia d'energia va en direcziun da l'uschènumnada «Planwirtschaft». Igl è in project birocratic che restrenscha l'individualitad da personas e da chantuns. Igl è segir endretg ch'ins sviluppescha ina strategia d'energia. Ma quella na duess betg esser uschè dirigistica. Intgins buns elements ha la strategia preschentada dentant: Las mesiras per sanar bajetgs n'influenzeschan betg mo il



diever d'energia, mabain era la cunscienza da la gliעד appartegnent l'energia.

Nus en noss chantun da muntogna stuain cunzunt guardar che nossa forza d'aua vegn tractada uschè bain sco pussaivel. En quest grà n'essan nus betg servì a moda optimala. Jau avess giavischè da pudair segirar l'avegnir da la forza d'aua.

Hansjörg Hassler, pbd

«En general ma plaschi ch'il cussegl naziunal è insumma entrà sin la fatschenta. En emprima lingia sun jau led ch'ins è sa decidì cleramain per la midada d'energia. Le-graivel è era ch'ins vul sustegnair pli fitg las ovras idraulicas grondas. Quai è fitg impurtant per il Grischun. Uschia pon las ovras sa posizuniar meglia encunter la concurrenza internaziunala. Suenter mes manegiar



n'hai fin uss dà nagins puncts negativs. Las tractativas èn fin uss curridas bain e sch'i va va uschia vinnanant dat quai ina buna lescha. Il pachet è propi sin mia lingia. Mia partida divergescha mo en paucs detgls da la strategia d'energia ch'il cussegl federal propo- n. Il fil cotschen è il medem sco quel dal cussegl federal.»

Claudia Cadruvi / ANR